



Matheus honestis parentibus natus, atq; optime educatus est. Cum autem is preclara indole insignis esset, à pueris operam literis dedit, et prima fundamēta feliciter posuit. Inde uero ad doctorum hominum conuentus accessit, & in uarijs Academij linguarum & artium magnam notitiā sibi comparauit. Postea animū ad Iuris studia conuertit, atq; Legum eum sibi usum comparauit, ut magnis iureconsultis adnumeraretur. Huc accedebat docendi perspicuitas, & uitae integritas. Id cum illustriss. Saxonie principes cognouissent, eū liberali stipendio ad se uocarunt, atq; in noua sua Ihenensi Academia legum professorem constituerunt. Eam functionem is magna animi moderatione suscepit, & legum rationes egregiè explicauit. Quin etiam Pandectas suis commentarijs illustrauit, atq; Codicis Iustiniani Oeconomiam composuit, & Basileæ 1565 edidit.

Hoc modo Matheus etiamnum pergit, & Ihenensem academiam plurimūm decorat. Anon.